



MEKTER NIVO II



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
ISLAMSKA ZAJEDNICA BOŠNJAKA U ŠVEDSKOJ

Sadržaj

Imanski šarti	1
Namaski šarti i namaski rukni	2
Akšam namaz	3
Et-tehijjatu, sjedenje u namazu	4
Salavati, sjedenje u namazu	5
Dova, sjedenje u namazu	6
Muhammed, A.S.	7
Šta je to farz	8
Sura El-Leheb	9
Halal i haram	10
Isa, A.S.	11
Sura En-Nasr	12
Kur'an	13
Meleki	14
Sura El-Kevser	15
Pitanja	16

Izdavač:

Islamska zajednica Bošnjaka u Švedskoj
Adresa: Åkerssjövägen 10, 461 53 Trollhättan
Tfn: 0520 49 90 64 Mobil: 076 310 24 47
E mail: kontakt@izb.se
www.izb.se

Imanski šarti Ima ih 6



Iman znači vjerovanje  **srcem** i izgovaranje **jezikom**. 

1. AMENTU BILLAHI

2. VE MELAIKETIHI

3. VE KUTUBIHI

4. VE RUSULIHI

5. VEL-JEVMILAHIRI

6. VE BIL-KADERI HAJRIHI VE

ŠERRIHI MINALLAHI TE'ALA.

1. VJERUJEMO DA JE SAMO JEDAN BOG, ALLAH,
DŽELLE ŠA'NUHU.

2. VJERUJEMO U ALLAHOVE MELEKE

3. VJERUJEMO U ALLAHOVE KNJIGE

4. VJERUJEMO U ALLAHOVE POSLANIKE

5. VJERUJEMO U SUDNJI DAN


6. VJERUJEMO U ALLAHOVO ODREĐENJE

NAMASKI ŠARTI I NAMASKI RUKNI

Prije stupanja u namaz treba ispuniti šest uvjeta ili priprema za namaz.

Uvjeti za namaz su:

1. Da bude čisto tijelo, odijelo i mjesto gdje će se klanjati,
2. Uzeti abdest ili, ako je potrebno, okupati se,
3. Biti propisni obučen,
4. Na vrijeme klanjati,
5. Okrenuti se prema Kibli,
6. Odlučiti klanjati (učiniti nijjet).



Šest uvjeta za namaz, nazivamo namaskim šartima.

Ako nedostaje makar jedan uvjet, obavljanje namaza nije ispravno.

NAMASKI RUKNI




Namaz ima šest sastavnih dijelova, i to:

1. Početni tekbir (iftitāhi tekbir),
2. Stajanje (kijām),
3. Učenje Kur'ana (kirāet),
4. Pregibanje (ruku'),
5. Spuštanje lica na zemlju (sudžud),
6. Sjedenje na svršetku namaza (ka'dei-ehire).

Sastavni dijelovi namaza zovu se namaski rukni.

Namaz može imati dva, tri ili četiri rekata.

Stajanje, učenje, pregibanje i spuštanje lica na zemlju čine jedan rekāt.



Vrjeme akšam namaza nastupa kad sunce zađe i traje dok se skroz ne smrkne. Ima pet rekata i to: 3 farza i 2 sunneta. Klanja se tako što se prvo okrene prema kibli i zanijetimo

Farz:

**NEVEJTU EN USALLIJE LILLAHI
TEALA SALATE FARDIL MAGRIBI EDAEN MUSTAKBILEL
KIBLETI ALLAHU EKBER**


Sunnet:

**NEVEJTU EN USALLIJE LILLAHI TEALA SALATE
SUNNETI-L-MAGRIBI EDAEN MUSTAKBILEL
KIBLETI ALLAHU EKBER**

	<u>FARZ</u>	<u>SUNNET</u>
<u>1. rekat</u>	Subhaneke Euzubillah Bismillah El-Fatiha Jedna sura	Subhaneke Euzubillah Bismillah El-Fatiha Jedna sura
<u>2. rekat</u>	Bismillah El-Fatiha Jedna sura	Bismillah El-Fatiha Jedna sura
Sjede se i uči	Ettehijjatu	Ettehijjatu, salavati i dova
<u>3. rekat</u>	Bismillah El-Fatiha	
Sjedi se i uči	Ettehijjatu, salavati i dova	

ET-TEHIJJATU

Ettehijjatu uvijek učimo dok sjedimo u namazu.



ET-TEHIJJATU

LILLAHI VES-SALEVATU

VET-TAJJIBATU,

ES-SELAMU ALEJKE, EJJUHEN-NEBIJU,

VE RAHMETULLAHI VE BEREKATUHU;

ES-SELAMU ALEJNA VE ALA IBADILLAHISSALIHIN.

EŠHEDU EN LA ILAHE ILLALLAH,

VE EŠHEDU ENNE MUHAMMEDEN ABDUHU VE RESULUHU

Prevod:

Naše počasti, poštovanja i dobra djela pripadaju samo Allahu!

Selam, milost i Allahov blagoslov, tebi Božiji poslaniče!

Neka je Božiji mir i blagoslov nama i svim dobrim Allahovim robovima!

Svjedočim da nema drugog boga osim Allaha i svjedočim da je

Muhammed Njegov rob i poslanik!

SALAVATI



ALLAHUMME SALLI
ALA MUHAMMED
VE ALA ALI MUHAMMED,
KEMA SALLEJTE
ALA IBRAHIM
VE ALA
ALI IBRAHIM,
INNEKE HAMIDUN MEDŽID.

Prevod:

*Allahu moj, smiluj se Muhammedu, a.s., i njegovom potomstvu,
kao što si se smilovao Ibrahimu, a.s., i njegovom potomstvu.
Zaista si Ti Hvaljeni i Vječni.*

ALAHUME BARIK ALA MUHAMMED
VE ALA ALI MUHAMMED,
KEMA BAREKTE ALA IBRAHIM
VE ALA ALI IBRAHIM,
INNEKE HAMIDUN MEDŽID.



Prevod:

*Allahu moj, blagoslovi Muhammeda, a.s., i njegovo potomstvo,
kao što si blagoslovio Ibrahima, a.s., i njegovo potomstvo.
Zaista si Ti Hvaljeni i Vječni.*

DOVA

BISMILAHİ-R-RAHMANİ-R-RAHİM

ALLAHUMME RABBENA
ATINA
FİD-DUN-JA HASENETEN
VE FİL-AHIRETI HASENETEN
VE KİNA AZABENNAR!

RABBENAGFİR Lİ
VE Lİ VALİDEJJE
VE LİL-MU'MİNİNE
JEVME JEKUMUL-HİSAB!



Prevod:


U ime Allaha, Milostivog, Samilosnog!

*Gospodaru naš!
Daj nam na ovome svijetu dobro,
a i na budućem svijetu nam daj dobro,
i sačuvaj nas od vatre.*

*Gospodaru naš!
Oprosti grijehе meni i mojim roditeljima,
kao i svim pravim vjernicima (muminima)
onog dana, kada budemo polagali račun za svoja djela.*



MUHAMMED, A.S.



Muhammed, a.s., je rođen 570. godine u Mekki (Saudiska Arabija), u plemenu Kurejš.

Prije rođenja Muhammeda, a.s., umro mu je otac Abdullah. Ostao je samo s majkom Aminom i djedom Abdu-L-Muttalib.

Kao dijete živio je izvan grada u pustinji, jer je lokalni običaj bio da se djeca odgajaju na selima među beduinima. Kada mu je bilo 6 godina, umrla mu je i majka, a samo 2 godine kasnije umro mu je i djed Abdulmutallib.

Tad ga je prihvatio njegov amidža Ebu-Talib i kod njega je ostao do svoje 25. godine.

Muhammed, a.s., je uvijek govorio istinu. Bio je vrlo ljubazan. Kao mladić bio je mnogo cijenjen. Zbog pravednosti, skromnosti i iskrenosti prozvali su ga **Muhammed El-Emin** (vjerni i pouzdani Muhammed).

Kad je imao 25 godina, oženio je Hatidžu bint Huvejlid i uspješno se bavio trgovinom.

Muhammed, a.s., je u 40-im godinama sve više bio razočaran običajima njegovih sugrađana. Počeo se zbog toga osamljivati na obližnjem brdu u pećini Hira. U jednom takvom osamljivanju, godine 610. u mjesecu ramazanu, Muhammeda a.s. je posjetio melek Džibril koji mu je tada prenio prve Božije riječi, "**Iqre!**" ("Čitaj!").

To su bile prve kur'anske riječi i tim događajem zvanično je počela objava Kur'ana.

ŠTA JE TO FARZ?

Farz je sve ono što je Allah dželleša`nuhu naredio.

To znači stroga vjerska obaveza.
Klanjati namaz je farz!
Postiti Ramazan je farz!
Davati zekat je farz!
Učiti je farz!



ŠTA JE TO SUNNET?



Sunnet je sve ono što je preneseno od Poslanika, Muhammeda, sallallahu alejhi ve sellem; njegove riječi, praksa, prećutno odobravanje,

Primjer sunneta u formi riječi je sve ono što je Poslanik, sallallahu alejhi ve sellem, kazao u različitim prilikama, poput hadisa u kojem je rekao:

«Roditelj ne može ostaviti svom djetetu ništa vrjednije od lijepog odgoja.»



"Allah vam je propisao pet namaza, pa ko bude lijepo i potpuno abdest (za njih) uzimao, klanjao ih na vrijeme, ispravno i potpuno obavljao ruku i sedždu, bio potpuno skrušen i ponizan dok obavlja namaze, Allah, dž.š., se obavezuje da će mu oprostiti grijeha. A ko to ne bude radio, nema Allahovo obećanje; ako hoće - oprostit će mu, a ako hoće - kaznit će ga."

SURA EL-LEHEB

بِسْمِ اللَّهِ الرَّحْمَنِ الرَّحِيمِ

تَبَّتْ يَدَا أَبِي لَهَبٍ وَتَبَّ ﴿1﴾ مَا أَغْنَىٰ عَنْهُ مَالُهُ وَمَا كَسَبَ ﴿2﴾ سَيَصْلَىٰ

نَارًا ذَاتَ لَهَبٍ ﴿3﴾ وَامْرَأَتُهُ حَمَّالَةَ الْحَطَبِ ﴿4﴾ فِي جِيدِهَا حَبْلٌ مِّنْ

مَسَدٍ ﴿5﴾

BISMILAHİ-R-RAHMANI-R-RAHİM

**TEBBET JEDA EBI LEHEBIN VE TEBB
MA AGNA ANHU MALUHU VE MA KESEB
SEJASLA NAREN ZATE LEHEB
VEMRE - ETUHU HAMMA LETEL HATAB
FI DŽIDIHA HABLUN MIM – MESED**

Prevod:

U ime Allaha, Milostivog, Samilosnog!

Neka propadne Ebu Leheb, i propao je!

*Neće mu biti od koristi blago njegovo, a ni ono što je stekao,
ući će on sigurno u vatru rasplamsalu, i žena njegova, koja spletkari;
o vratu njenu biće uže od ličine usukane!*



HALAL | HARAM

Halal je arapska riječ koja znači dozvoljeno, jasno, i "čisto".

Haram je arapska riječ koja znači zabranjeno ili nedozvoljeno, i "nečisto".

Muslimanima nije dozvoljeno činiti/koristiti haram.

Hrana koju jedemo i piće koje pijemo ne smiju biti HARAM.

Evo samo nekoliko harama, zabrana:

- Svinjsko meso (i svi svinjski proizvodi),
- Krv (i svi njeni biprodukti)
- Alkohol (pivo, vino, likeri, rakija)
- Sve vrste droga
- Meso od mrtvih/umrlih životinja
- Kockanje

Meso životinja koje nisu zaklane u Allahovo ime

Meso životinja mesoždera - (npr. lavovi, tigrovi, hijene, orlovi, zmije)

Meso životinja: magaraca, majmuna, slonova, pasa,

Meso koje je žrtvovano nekom bogu ili božici.

Hrana koja sadrži haram sastojke se treba izbjegavati

(npr.: riba pripremljena sa vinom; različiti kolači; sladoled koji sadrži rum, liker, ili bilo koju vrstu alkohola).

Ukoliko neki musliman ili muslimanka uzimaju svjesno takve stvari onda je, prema islamskom vjerovanju, učinio/la grijeh.

Međutim, ukoliko je u pitanju opstanak i preživljavanje čovjeka onda neki od gore navedenih proizvoda se mogu koristiti bez da se to smatra haramom.

ISA, A.S.

Kao i svi drugi poslanici, Isa, alejhi selam, odabrani je rob koga je Allah, dželleše'nuhu, zadužio da ljude poziva na Pravi Put.

Njegova majka Merjema provodila je najviše vremena u ibadetu. O njoj se brinuo njen tetak Zekerijja, a.s., koji je bio jedan od vjerovjesnika.

Allah, dž.š., je slao Merjemi majci Isaovoj hranu, a Zekerijja bi svaki put pitao odakle ti to, a ona bi odgovarala da je to od Allaha, dž.š.!?

Isa, a.s., se rodio bez oca. Allah, dž.š., kada hoće nešto On samo kaže: „Budi!“ – i ono bude.

Još kao dijete u bešici pričao je i govorio da je Božiji poslanik.

Sveta knjiga koju je dobio Isa, a.s., zvala se Indžil. Isa, a.s., je pozivao ljude da vjeruju u jednog Boga, da obavljaju namaz i daju zekat. Donosio im je brojne dokaze: oživljavao je mrtve, liječio bolesne i slijepce. Većina nije vjerovala osim male grupe koja je podržala Isa, a.s.

Oni koji nisu vjerovali željeli su ubiti Isa, a.s.

Međutim, Isa, alejhi selam, posjeduje određene odlike koje ga izdvajaju od ostalih poslanika. Najbitnije od tih odlika su da on još uvijek nije umro, da je uzdignut Allahu, dž.š., i da će se ponovo vratiti na Zemlju kao jedan od predznaka Sudnjeg dana. Isa, alejhi selam, nije razapet na krst/križ niti je umro iz bilo kojeg drugog razloga. Na jedan kategoričan način, u Kur'anu se ističe da ga nisu objesili i ubili već da ga je Allah, dželleše'nuhu, uzdigao Sebi.

“I zbog riječi njihovih: 'Mi smo ubili Mesiha, Isaa, sina Merjemina, Allahovog poslanika!' A nisu ga ni ubili ni razapeli, već im se pričinilo. Oni koji su se o njemu u mišljenju razilazili, oni su sami o tome u sumnji bili; o tome nisu ništa pouzdano znali, samo su nagađali; a sigurno je da ga nisu ubili, već ga je Allah uzdigao Sebi. A Allah je silan i mudar” (En-Nisa, 157-158).



SURA EN-NASR

بِسْمِ اللَّهِ الرَّحْمَنِ الرَّحِيمِ
إِذَا جَاءَ نَصْرُ اللَّهِ وَالْفَتْحُ ﴿١﴾ وَرَأَيْتَ النَّاسَ يَدْخُلُونَ
فِي دِينِ اللَّهِ أَفْوَاجًا ﴿٢﴾ فَسَبِّحْ بِحَمْدِ رَبِّكَ وَاسْتَغْفِرْهُ إِنَّهُ
كَانَ تَوَّابًا ﴿٣﴾

BISMILAHİ-R-RAHMANI-R-RAHİM

IZA DŽAE NASRULLAHI VEL-FETH
VE REJTEN-NASE JEDHULUNE FI DINILLAHI EFVADŽA
FE SEBBIH BIHAMDI RABBIKE VESTAGFIRH
INNEHU KANE TEVVABA

Prevod:

U ime Allaha, Milostivog, Samilosnog!

*„Kada Allahova pomoć i pobjeda dođu, i vidiš ljude
kako u skupinama u Allahovu vjeru ulaze ti veličaj
Gospodara svoga hvaleći Ga i moli Ga da ti oprost,
On je uvijek pokajanje primao“.*



Kur'an je sveta Allahova Knjiga objavljena Allahovom poslaniku Muhammedu, s. a. v. s., preko meleka Džibrila u periodu od 610. do 632. godine, i to 13 godina u Meki i 10 godina u Medini.

Kur'an je Allahov, dž.š., govor, objavljen Njegovom posljednjem poslaniku, Muhammedu, s.a.v.s.

Kur'an je mu'džiza (natprirodno djelo), a samo njegovo učenje predstavlja ibadet.

U **Kur'anu** nema riječi Muhammeda, s.a.v.s., ashaba (njegovih drugova koji su ga sreli), ili nekoga iz generacija poslije njih.

Kur'an je, dakle, Govor Gospodara svjetova!

- *Objava Kur'ana je počela u mjesecu ramazanu*
- *Kur'an se sastoji od 114 sura sa preko 6000 ajeta.*
- *Svaka sura, osim sure Et-Tevba, počinje Bismillom ("U ime Allaha, Sveopćeg dobročinitelja, Milostivog").*
- *Ljudi koji znaju cijeli Kur'an napamet nazivaju se hafizi.*

Prenosi se da je Muhammed, s. a. v. s., u jednom hadisu rekao:
"Najbolji među vama su oni koji uče i podučavaju Kur'anu."

Prema nekim podacima, oko 10 miliona ljudi danas zna Kur'an napamet!

MELEKI

Uzvišeni Allah stvorio je sva stvorenja, određivši im različite funkcije. Sve je stvoreno sa mudrošću koju jedino zna Onaj koji stvara. Među mnogobrojnim Njegovim stvorenjima, koji doista zaslužuju da se o njima promisli, su meleki.

Meleki su nevidljiva duhovna bića.

Nikada ne griješe, nego uvijek poslušno vrše dužnosti koje im Allah dž.š. određuje.

Određeni meleki prate čovjeka, donose mu dobre misli i pišu njegova djela, a nazivaju se Kiramun katibini.

Meleka ima vrlo mnogo a najpoznatiji su:

- **Džebrail** - imao ulogu da prenosi od Boga Objavu poslanicima;
- **Azrail** - rastavlja duše od tijela u času smrti,
- **Mikail** - vrši određene dužnosti u prirodnim pojavama i promjenama kao što su strujanje vjetrova, kretanje oblaka, padanje kiše, listanje, rast i sazrijevanje bilja, itd;
- **Israfil** – On će puhnuti u Sur i najaviti Sudnji i Kijametski dan.
- **Kiramun katibini** – Oni pišu naša djela.
- **Munkir i Nekir** – Oni ispituju u kaburu.
- **Ridvan** – On je vratar - čuvar džennetskih kapija.
- **Malik** – On je vratar - čuvar džehennemskih kapija.

SURA EL-KEVSEER

بِسْمِ اللَّهِ الرَّحْمَنِ الرَّحِيمِ

إِنَّا أَعْطَيْنَاكَ الْكَوْثَرَ ﴿١﴾ فَصَلِّ لِرَبِّكَ وَانْحَرْ ﴿٢﴾ إِنَّ شَانِئَكَ هُوَ الْأَبْتَرُ

BISMILAH-R-RAHMANI-R-RAHIM

**INNA E'ATAJNA KEL KEWSER
FE SALLI LI RABBIKE VENHAR
INNE ŠANIEKE HUVEL EBTER**



Prevod:
U ime Allaha, Milostivog, Samilosnog!

"Mi smo ti uistinu, mnogo dobra dali, zato namaz radi Allaha klanjaj i kurban kolji, onaj koji tebe mrzi sigurno će bez pomena ostati!"

PITANJA

1. Nauči imanske šarte i prevod na bosanski jezik!
2. Koji su uvijeti za obavljanje namaza?
3. Koji su namaski ruknovi (sastavni dijelovi)?
4. Koliko jedan namaz može imati rekata?
5. Kada nastupa akšam-namaz?
6. Koliko akšam-namaz ima rekata?
7. Kako se zanijeti farz a kako sunnet?
8. Šta se uči na svakom prvom rekatu?
9. Šta se uči na svakom drugom rekatu?
10. Šta se uči na prvom sjedenju, a šta na drugom sjedenju kod farza na akšamu?
11. Šta se uči na trećem rekatu farza na akšam-namazu?
12. Nauči et-tehijjatu, salavate i dovu!
13. Kada je rođen Muhamed, a.s., i gdje?
14. Kako su se zvali babo i majka Muhameda, a.s., a kako njegov djed i amidža?
15. Koji nadimak je imao i po čemu je bio poznat Muhamed, a.s., i prije poslanstva?
16. Koja je prva riječ koja je obavljena u Kur'anu?
17. Šta je farz, a šta je sunnet?
18. Nauči suru El-Leheb!
19. Šta je halal, a šta haram i navedi primjere?!
20. Kako se zvala majka Isa, a.s., i ko je brinuo o njegovoj majci?
21. Kako se rodio Isa, a.s., i šta je mogao raditi kao dijete?
22. Kako se zvala sveta knjiga koju je dobio Isa, a.s.?
23. Po čemu je još prepoznatljiv Isa, a.s.?
24. Nauči suru En-Nasr!
25. Šta je Kur'an i kome je objavljen?
26. Kada je počela objava Kur'ana?
27. Koliko u Kur'anu ima sura, a koliko ajeta?
28. Kako se zovu ljudi koji znaju Kur'an napamet?
29. Ko su meleki i šta je njihova zadaća?
30. Nauči najpoznatije meleke i šta oni rade?
31. Nauči suru El-Kevser!

